

REGLUGERÐ

um breytingu á reglugerð um fólksbifreiðar, sem notaðar eru til leiguaksturs og takmarkanir á fjölda þeirra, nr. 308/1989 með síðari breytingum.

1. gr.

3. mgr. 16. gr. orðist svo:

Óski leyfishafi eftir lengri undanþágu fjallar umsjónarnefnd um mál hans og getur hún veitt allt að tólf mánaða undanþágu til viðbótar. Umsjónarnefnd er þó heimilt að veita frekari undanþágur þar að auki vegna alvarlegra og langvarandi veikinda leyfishafa samkvæmt læknisvottorði trúnaðarlæknis nefndarinnar, sbr. þó 19. gr.

2. gr.

Reglugerð þessi, sem sett er samkvæmt lögum um leigubifreiðar nr. 77/1989, staðfestist hér með til að öðlast þegar gildi og birtist til eftirbreytni öllum þeim sem hlut eiga að máli.

Samgönguráðuneytið, 3. ágúst 1993.

Halldór Blöndal.

Helgi Jóhannesson.

11. ágúst 1993

Nr. 328

REGLUGERÐ

um almennt útboð verðbréfa.

1. gr.

Almennt útboð telst útboð samkynja verðbréfa sem boðin eru almenningi til kaups með almennri og opinberri auglýsingu eða kynningu með öðrum hætti sem jafna má til opinberrar auglýsingar. Með samkynja verðbréfum er átt við fleiri en eitt bréf í flokki bréfa, þar með talinna hlutabréfa, þar sem öll helstu einkenni flokksins eru hin sömu, þar á meðal nafn útgefanda (skuldara), fyrsti vaxtadagur og endurgreiðslu-, vaxta- og uppsagnarákvæði, eftir því sem við getur átt.

2. gr.

Reglugerð þessi gildir ekki um:

1. Útboð þar sem eitt eða fleiri eftirtalinna tilvika eiga við:
 - a. Hlutabréf eða samvinnuhlutabréf eru boðin forkaupsréttarhöfum í félagi þar sem félagsmenn eru 200 eða færri og hömlur eru lagðar á viðskipti með bréfin,
 - b. Verðbréf eru boðin takmörkuðum hópi aðila, án auglýsingar eða kynningar sbr. 2. gr., enda sé hópurinn ekki stærri en 25 aðilar,
 - c. Áætlað heildarsöluverð verðbréfa nemur ekki meiru en 5 000 000 kr.,
 - d. Hver fjárfestir þarf að reiða af hendi að minnsta kosti 5 000 000 kr. til kaupa á verðbréfunum.
2. Verðbréf af eftirfarandi gerðum:
 - a. Verðbréf sem gefin eru út að áætluðu markaðsverði að minnsta kosti 5 000 000 kr. hvert,
 - b. Hlutdeildarskírteini verðbréfasjóða með starfsleyfi innan Evrópska efnahagssvæðisins,

- c. Verðbréf sem gefin eru út af ríki innan Evrópska efnahagssvæðisins eða af alþjóðastofnunum sem eitt eða fleiri þessara ríkja eru aðilar að,
- d. Verðbréf sem gefin eru út í tengslum við yfirtökutilboð,
- e. Verðbréf sem gefin eru út í tengslum við samruna fyrirtækja,
- f. Jöfnunarhlutabréf og önnur hlutabréf sem hluthafar fá afhent án endurgjalds,
- g. Hlutabréf eða verðbréf sem eru ígildi hlutabréfa ef þau eru boðin í skiptum fyrir hlutabréf í sama félagi, ef boðið á hinum nýju verðbréfum hefur ekki í för með sér hækkun á hlutafé í félaginu,
- h. Verðbréf sem vinnuveitandi eða fyrirtæki tengt honum býður núverandi eða fyrrverandi starfsmönnum sínum, eða verðbréf sem boðin eru fram í þágu þeirra,
- i. Verðbréf sem til eru komin vegna breytingar á breytilegum skuldabréfum eða vegna þess að neytt er réttinda sem kaupréttur að hlut veitir, svo og hlutabréf sem boðin eru í skiptum fyrir skiptanleg skuldabréf enda hafi útboðs- eða skráningarlýsing á hinum breytilegu eða skiptanlegu skuldabréfum, eða þeim skuldabréfum sem kaupréttur að hlut fylgir, verið gefin út á Íslandi,
- j. Verðbréf sem gefin eru út af lögaðilum sem ekki eru reknir í hagnaðarskyni í þeim tilgangi að afla fjár til framdráttar markmiðum sínum, sem ekki lúta að hag sjálfra lögaðilanna.

3. gr.

Almennt útboð verðbréfa, annarra en ríkisskuldabréfa, skuldabréfa með ríkisábyrgð og ríkisvíxla, skal fara fram fyrir milligöngu verðbréfafyrirtækis.

4. gr.

Allar upphæðir í reglum þessum breytast í samræmi við breytingu á skráðu opinberu viðmiðunargengi (kaupgengi) Seðlabanka Íslands á evrópskri mynteiningu (ECU) frá því sem var þann 1. júlí 1993, 81,60 kr.

5. gr.

Reglugerð þessi, sem sett er samkvæmt heimild í 38. gr. laga um verðbréfavíðskipti nr. 9/1993, öðlast þegar gildi. Um gerð útboðsgagna og aðdraganda útboðs gilda reglur sem stjórn Verðbréfafings Íslands setur. Um fyrsta söludag einstakra útboða gilda reglur sem Seðlabanki Íslands setur.

Viðskiptaráðuneytið, 11. ágúst 1993.

F. h. r.

Björn Friðfinnsson.

Páll Ásgrímsson.

AUGLÝSING

um umferð í Stykkishólmi.

Að fengnum tillögum bæjarstjórnar Stykkishólmsbæjar og samkvæmt heimild í 81. gr. umferðarlaga nr. 50/1987 eru hér með settar eftirfarandi reglur um umferð í Stykkishólmi:

1. Austurgata.

Bífreiðastöður eru bannaðar beggja megin götunnar frá Smiðjustíg að Aðalgötu.